

## **Biinjiwebinigewin Canada - Tibajimoowin**

### **Anishinabeg o'wiji'iwewiniwa biinjibebinigewining**

Omaa tibajimoowin ayaanwan wiindamaagewinan Biinjiwebinigewin Canada ga'bimiwidoowat e'kakansomiwewat anishinabeg omaa Canada gadawaat gewiinawaa ji'biinjiwebinigewat miinawa biinjiwebiniganiwang. Ninga'gwedotamin imaa gagii nanagajijikewapan wedi bi'otanaang gagipi biinjiwebiniganiwang, mii'dash ga'izhigikendakwak appiji e'wiji'iwewat anishinabeg apiich wiinawaa godagiiyak omaa kaanada gadaawaat, wedi maawaj ga'izhidawaat oodenang.

Ningii'madanokataamin wii'ji'iwewin gewiinawa anishinabeg ji'gikendamowat e'inendagosiwat jibiinjiwebinigewat gaye nawaj ji'wendaninig gewiinawa ji'dagwiiwat.

Wedi dash noogomiike odanang, ningi'pi nanagishkawag ganiiganitamaagewat gaye oshki'bimadizak wedi anishinabeg o'bimiwjigewiniwa ga'izhi wiji'iwewat. Miigwech dash gi'tigonawa minigok gegookan gagiji'wawiindamawishiyang gaye gagiiwiindameg emisawendameg jiwiji'iweyeg.

Jean-Pierre Kingsley

## **Gagiimadanokadeg wiindamagewin gaye ji'kishkagewin**

Miidash ge'izhiwenjisenig gewiinawa anishinabeg jibiinjiwebinigewat, gii'izhichigewak Biinjiwebinigewin Canada ga'anokaadamooowat ogi'nangitonawa anishinabeg ga'onji wiji'aganiwiwat ga'onjianokadamowaat. Amii enanokiwiwat ga'anokadamowat oweni otoonji'wiidanokiimawaan ga'ganawedang biinjiwebinigewinan, weti dash izhigiigidowak Anishinabe dashikewinan mayaa ganiiganisiwaat gechinaaj odanishinabemiwa ji'gikendaminit e'inendagosisaat ji'biinjiwebinigewat gaye anuin gedodamowaat. Ni'wiitoodamin ji'ayamagagin ge'dazhi biinjiwebinigewaat anishinabeg wedi odenang gadashiikewaat. Da'anokii'awaak gaye anishinabeg ji'izhianokiwaat gadazhi biinjiwebiniganiwang gaye gagete'atisiwaat gaye oshkibimadisag ga'onjiwiji'itaw dadagwan ji'onji inwetamawindaw gaye ji'onji wawiindamawintaw gakekendasikaw anuin getotamoowat

Keyapi gaye ninga'atoomin wiindamagewinan wedi nindishinsha'amin Anishinabe dashikewinan misiwe omaa kaanada. Mazina'igan ga'ishi wawiinjigadegin da'izhinizha'igatewan anishinabewigamigoon gaye asnishinabeg ga'izhidaawat gaye mazina'iganan da'ayagojigatewan anishinabeg o'bimiwijigewiniwaa. Onowe wiindamagewinan da'ozhibii'igatewan ji'anishinabewibii'igategin, gaye andotatoomining gaye masinatesijiganing da'onji wawiinjigatewan. Apii dash miinawa ojijiseg jibiinjiwebiniganiwak, wedi Biinjiwebinigewin Canada ga'anokadamowat da'izhijigewak anishinabe ajimoowi anokiwigamikong da'aniishi wawinjikatewan jiwawiinjikategin imaa tipajimoowi mazina'iganing, nantotamoowining gaye masinatesijikaning.

## **Pimi a'nokatewaan gagi'izhi ashotamageyang**

Amii asha keka e'ani'otitamak jibiinjiwebiniganiwang, mii'dash imaa gaye e'anojigagikendamaang otaanang gakiipi'izhiseg. Batiinowak awiyak gagii'gaganonayang gaye imaa e'onjiwiji'weyeg Biinjiwebinigewin Canada ga'tananokateg ji'kikendamang ji'asweapamaasigwaa gabatiinakin anishinabe dashikewinan misiwe kaanada.

Ni'bagitinitisomin gaye keyapi jipapami wawiintamakeyang apii ani'oshkichigategin oshki gegoonan. Ninda minwentamin gegoon jipiwiindameg

Giishpin keyapi wiikikendaman, izhigigidon gi'dashikewining gatananokateg biinjiwebinigewin kaanada. Gawaapandaan agitason imaa biwabik kemaan ishigiton gatipa'ikatesinok gigitowin.

**www.elections.ca  
1 800 463-6868**

**TTY 1 800 361 8935 ga'abajitoowat kaositesigaw kemaan appichi kaositesigaw**